

玄覽堂叢書續集

第二十八冊

no. 9  
0528447

9(5)(08)

0079



國立臺灣大學圖書館典藏  
由國家圖書館數位化

總督四鎮奏議卷之九

議處不善撫恤新軍疏

528447

民國37.2.7



題為重責成嚴清勾以實行伍事據密雲等道兵  
備叅政等官郭四維等各將所屬萬曆十四年  
各營路見在及逃故軍士分數與本管將領千  
把總等官職名造冊呈報到臣據此卷查先准  
兵部咨該前督撫侍郎楊 等會題內議原差  
清軍御史清解過薊昌兩鎮軍數若各營衛將  
領千把總等官不善撫恤致有逃亡者每年以

十分為率如逃故軍士二分以下者附過三分  
以下者降一級五分以下者降二級分別具  
奏永為定例等因本部議覆題奉

欽依備咨節年欽遵訖萬曆十四年該臣會同撫臣  
蹇 題前事本部議覆今後各營路衛所管軍  
官員原領新軍必係十名以上若有逃亡方計  
分數叅降十名以下逃亡不計分數止行單任  
差操等因節奉

聖旨逃軍降單事例依擬欽此備咨前來隨經通行

欽遵及於萬曆十四年終通行各兵備道查取  
各營路衛所將領等官逃故新軍分數去後今  
據前因該臣會同整飭薊州等處邊備兼巡撫  
順天等府地方都察院右僉都御史蹇 議照  
薊昌兩鎮邊長兵寡先年建議清勾額軍以實  
行伍各軍遠離鄉井從事邊塞全在本管將領  
千把總等官加意撫摩方免逃徙邇來

明例森嚴人心各知警畏今查得各道冊開各營路  
衛所將領等官名下收伍新軍全無逃故者十

之二三其有逃故二分以下者俱應附過各官  
有陞遷降調病故革任者俱免追究惟三屯車  
後營左部名色千總高惟精原有募兵八百四  
十名見在六分以上五百八名逃故三分以上  
三百三十二名一司把總遵化衛百戶范崙原  
有募兵二百一十名見在七分一百四十二名  
逃故三分六十八名二司把總興州右屯衛總  
旗胥信原有募兵二百一十名見在四分以上  
一百一名逃故五分以上一百九名三司名色

把總陳文桂原有募兵二百一十名見在七分  
一百四十一名逃故三分六十九名四司把總  
綏德衛納級百戶鄭杰原有募兵二百一十名  
見在六分一百二十四名逃故四分八十六名  
右部千總金吾衛納級鎮撫胡有時原有募兵  
八百四十名見在五分以上四百七十五名逃  
故四分以上三百六十五名一司名色把總楊  
森原有募兵二百一十名見在六分以上一百  
三十一名逃故三分以上七十九名二司名色

把總高如桐原有募兵二百一十名見在六分  
以上一百三十九名逃故三分以上七十一名  
三司名色把總俞貴原有募兵二百一十名見  
在四分以上一百名逃故五分以上一百一十  
名四司把總榆林衛鎮羌所總旗高鸞原有募  
兵二百一十名見在五分一百五名逃故五分  
一百五名以上各官俱應參降內范崙應降實  
職一級胥信高鸞應降實職二級鄭杰胡有時  
係納級高惟精陳文桂楊森高如桐俞貴係名



色皆無職可降俱應革斥除將各營路衛所將  
領及中軍千把總等官名下原有新軍并全完  
及逃故分數遵照節年事規備造青冊咨送兵  
部查考外相應具

題伏乞

勅下該部覆議將范崙等分別降級候各官補足軍  
額另

題議復鄭崙等高惟精等行臣等革斥以為不善  
撫馭軍士者之戒其餘各官撫恤有方軍士全

無逃故者容臣等分別量行獎勵庶懲勸有法  
而行伍漸充矣緣係重責成嚴清勾以實行伍  
事理未敢擅便為此具本專差千戶張大庸親  
齎謹題請

旨

萬曆十五年三月 二十七 日

兵備患病乞休疏

題為兵備官員患病乞休事准整飭荊州等處邊  
備兼巡撫順天等府地方都察院右僉都御史  
蹇會稿據霸州道兵備副使田時秀呈為患  
病不能供職乞准回籍調治事照得本職由進  
士萬曆五年除授戶部山西清吏司主事八年  
陞本部陝西清吏司署郎中總理延寧糧儲十  
一年填補本司郎中十三年三月內陞授今職  
自分資性踈庸才力綿薄欲求無負任使銳志

勉修職業是以朝夕兢惕不暇寢食勞思過度  
精力耗傷適於萬曆十四年六月二十八九等  
日巡歷道屬郡縣比緣天時酷暑不意感患濕  
熱至七月初二日行至武清縣河西務地方一  
時風痰陡作口眼欹斜暈眩難支旋即扶病回  
道倩醫調治幸而旬日之外漸次平復即欲告  
病休歸因思年當強仕尚圖報效詎料萬曆十  
五年二月十四日正值公座僉押忽然前疾復  
發昏暈倒地急進醫生宋錦宗堯臣灌藥調理

兩日方甦見今右肢不能舉動舌強艱於語言  
病勢十分危篤軀命未卜保全顧此藩臬之司  
一方庶政所關難以曠廢懇乞准賜回籍調理  
或容致仕還鄉得以靜養苟延皆出再造之恩  
矣等因到職除詳批准令在任調理及行昌平  
道兵備右叅議于達真暫行帶管該道印務并  
覆勘副使田時秀果否患病去後隨據叅議于  
達真回稱本官委係真病別無虛偽等因據此  
卷查萬曆八年十一月內准吏部咨為申飭告

病官員事例以明臣職以安地方事該本部題  
合候

命下通行各省直撫按官凡遇在外官員告病乞休  
果係真疾照依舊例將本官經管事務別委相  
應官署掌即為代

奏容本部訪其素履酌量題

請不許自行陳乞等因題奉

欽依備咨准經通行遵照在卷今據前因會稿到臣  
該臣會同整飭薊州等處邊備兼巡撫順天等

府地方都察院右僉都御史蹇 巡按直隸監  
察御史任養心看得霸州道兵備副使田時秀  
任勞任事有守有為殫心思以撫災民而士庶  
頌服竭籌策以除巨盜而遐邇肅清操行可質  
神明才識允堪艱大

畿輔要地倚藉弘多乃以道事繁難因勞致疾情  
甚可憫既稱一時亟難痊可似應准令回籍調  
理而本官年力正強遽使退閑又深可惜相應

題

總督四鎮奏請  
卷之九  
請伏乞

勅下吏部再加查議合無暫准本官致仕回籍就醫  
調理痊可之日候有相應員缺仍行推用以盡  
其才庶野無遺賢而忠勤亦知所勸矣再照霸  
州當水陸軍民之衝事體既繁兼稱多盜兵巡  
官員干係尤重乞併

勅該部查選素有才望者推補前缺或就近陞調地  
方幸甚緣係兵備官員患病乞休事理未敢擅  
便為此具本專差千戶張大庸親齎謹題請



旨

萬曆十五年三月三十日

...

...

...

...

...

...

...

...

...

辭陞本兵疏

奏為懇乞

天恩辭免本兵重任事萬曆十五年四月初二日准  
吏部咨該本部等衙門會推兵部缺尚書題奉  
聖旨是王一鶚陞兵部尚書欽此欽遵移咨到臣臣

聞有

命自

天竊愧致身無地猥念臣本豎儒未閑軍旅仰荷

聖恩拔自草土之中授以薊遼之役日慚尸素莫効

涓埃茲遇本兵員缺奉

綸音之慎選至再至三詎意驚蹇如臣乃

簡命之叨承誠惶誠恐惟樞務重大視邊務倍蓰有加顧臣至庸愚望諸臣數舍而遠即西北禦桀  
驚之夷安能周防於九塞東南備山海之寇安  
能少展於一籌物望輕微何以振將吏之積習  
使各修實業以求神氣之張行能淺薄何以甦  
軍民之積困使各安本業以求元氣之固蓋未  
有不能整於一旅而能統乎六師亦未有不能

樹於疆場而能平乎

邦國者此臣之所自知者甚明而所自懼者甚切也伏乞

皇上察臣之謏劣鑒臣之悃誠容臣仍守舊役以効犬馬別為本兵更選才賢則

邦政之付託得人而臣愚之分義亦得以自安矣臣無任感激惶悚隕越待

命之至緣係懇乞

天恩辭免本兵重任事理為此具本專差千戶張大

庸親齋謹具奏

聞伏候

勅旨

萬曆十五年四月

初二日

類題遼鎮節次獲功疏

題為達賊節次犯邊官軍降夷追堵斬獲首級擒  
獲賊虜得獲達馬夷器等事准巡撫遼東地方  
兼贊理軍務都察院右副都御史顧會稿

卷查萬曆十四年三月二十六日據管寬奠叅  
將事副總兵王維貞呈據鞏陽守備王印呈本  
月初二日夜三更時分步行達賊約有百十餘  
名從新奠堡大孤山臺進入王印聞報與代寬  
奠叅將事千總郭繼武并守新奠堡指揮張榮

顯各統領兵馬合營馳追於初三日午時至境  
外地名大白山離邊約六十里趕上前賊對敵  
斬獲首級一顆得獲夷器等件救回原虜男婦  
五名口牛驢二隻頭射傷軍丁八名射死官馬  
四匹射傷官馬二匹各賊騰山鑽林去訖各官  
收兵進境又據遼陽副總兵楊燮呈本月十六  
等日達賊從東勝等堡入犯楊燮會同分守道  
即差降夷義兵青打哈江達子李得功等往來  
沿邊從便追剿二十四日辰時至十方寺堡城



上遠望煙火料係竊賊遂於午時分從水口臺  
出境渡越遼河到虎狼山上潛隱約申時分見  
五十餘賊前後散行我兵分為二枝兩旁掩伏  
放賊七八騎方過突出夾擊賊且射且跑四散  
奔去斬獲首級二顆得獲達馬二匹并夷器弓  
箭等物射死官馬四匹各役入境又據分守道  
右叅政栗在庭呈本年四月二十三日寅時馬  
步達賊四百餘騎從清河堡賣酒望墩進入各  
臺舉發雙柳有代守備事守堡指揮孫都聽聞

統領軍丁追趕間前賊徑奔小孤山樓東西兩  
邊夾攻當有屯民李仲先等各用槍棍弓矢與  
賊射打斬獲首級一顆射傷屯民三名前賊遙  
見孫都兵馬追近從小孤山鎮夷墩馬蹄谷出  
境去訖被守備家丁韓汝奇在孤山樓上將前  
首級奪拏赴孫都處報驗已經問罪發遣其李  
仲先等首功仍候覈勘給賞又據開原叅將李  
呈據開原備禦吳希漢稟稱本年八月二  
日戌時分靖安堡地名陡嶺兒突出掩伏

達賊五騎牽馬四匹徑奔本堡該管楊木荅兀  
屯有石坡嶺臺舉放砲火代守本堡指揮孫策  
一面差人走報一面帶領官軍抄至本屯與預  
防選鋒把總劉斧等官軍合營追趕出境前賊  
奔至鄰境屬夷康古六寨內躲藏孫策劉斧等  
亦到本寨因日暮不敢攻圍時有李宗召帶領  
吳希漢等官軍馳赴應援至二十八日各賊見  
兵猛進固守夷樓射打康古六口稱此賊是黃  
達子部落殺死必惹大禍一寨性命難存李宗

召再三宣諭賊夷既殺人民如不令軍丁擒拏  
本寨夷人一併攻剿遂將各賊於本日酉時驅  
逐寨外四夷奔走官軍向前斬獲首級三顆生  
擒真夷花字羅阿兒江二名得獲達馬九匹并  
夷器等件截下原虜男子一名被賊殺死看田  
住戶二名又據管正安堡車營遊擊事副總兵  
姚大節呈據鎮靜堡守備劉崇正報稱本年九  
月十三日夜三更時分步行達賊四名從鎮夷  
堡舊寺兒山臺東空進入各臺舉放砲火前賊

遊至腹裏望海寺等處時有坐營中軍金承武  
管左營遊擊事副總兵孫守廉并姚大節劉崇  
正及義州設防選鋒遊擊唐伯美各聞砲帶領  
兵馬馳追至十四日申時就彼有正兵營官丁  
李有名等斬獲首級一顆并夷器等件被傷軍  
夜一名餘賊騰山鑽林從本臺西空出境去訖  
又據開原叅將李宗召呈據開原備禦吳希漢  
稟稱本月十六日卯時達賊約有十五餘騎到  
於靖安堡河竒臺下攻圍本臺舉放砲火代守

靖安堡指揮孫策一面差人分投走報一面與  
同設伏把總鄭選等官軍飛奔到彼各用弓箭  
槍刀齊力向前衝斫獲首級二顆得獲達馬  
二匹夷器俱全射傷軍丁二名前賊即從來路  
去訖又據前屯遊擊祖承訓呈本年十一月二  
十日戌時據守高臺堡百戶潘得福報稱達賊  
一百餘騎從本堡戴家嶺臺東空水口乘黑拆  
柞進入往南潛行祖承訓一面統領官軍家丁  
順邊堵截歸路一面摘撥千總楊暉領兵順大

路往西搜攔仍差人傳調前屯備禦楊紹祖及  
會右營遊擊陳嘉寵各即統領官軍家丁合營  
由張家臺順路壕迤北搜山丑時分搜至地名  
焦山兒前賊在彼掩伏聽聞兵馬聲哨突起即  
回馳奔原入墻口祖承訓申嚴號令督率官軍  
直前衝堵陳嘉寵楊紹祖隨後追擊兩勢夾攻  
斫戰祖承訓營斬獲首級三顆得獲達馬八匹  
盔甲各二頂副楊紹祖營斬獲首級一顆得獲  
達馬三匹盔甲各一頂副陳嘉寵營斬獲首級

二顆得獲達馬四匹盔甲各一頂副三營共斬  
獲首級六顆得獲達馬一十五匹盔甲各四頂  
副夷器俱全各營被傷軍丁二十三名射死官  
馬一十八匹射傷官馬一十四匹餘賊潰散騰  
山奔林去訖又據領兵遊擊張世爵呈本年十  
二月初二日巳時據代守小團山堡百戶鄧國  
臣報稱達賊三十餘騎從本堡迤東灰菜溝臺  
進入深至堡東湯家山溝各臺舉放煙砲當有  
本堡設伏領兵遊擊營家丁張得名等知賊東



奔隔山不見即由堡西河口出境順牆密至地名梨園林內掩伏張世爵聞報即令中右所提調吳進忠帶領撥夜在前引導隨統本營官軍追趕前賊遙見兵馬仍從來路出境當有張得名等從林內一擁突出截斫在陣斬獲首級三顆得獲達馬三匹盔甲各一頂副并夷器等件被傷家丁三名射死官馬一匹射傷官馬二匹餘賊各奔山林去訖等因各呈報到職除首級已經會驗明實發驛收貯得獲達馬夷器等件

俱給原獲之人充賞被傷軍丁酌量優恤外等  
因會稿到臣該臣會同巡撫遼東地方兼贊理  
軍務都察院右副都御史顧議照猾虜節  
次入犯官軍降夷奮勇對敵共斬首一十九顆  
擒獲賊夷二名得獲達馬三十一匹盔甲各五  
頂副相應題

請如蒙

勅下兵部查議轉行巡按御史將前項獲功軍丁降  
夷酌議陞賞與出入地方有無隱匿情弊通行

覈勘明實分別功罪徑自具

奏施行緣係達賊節次犯邊官軍降夷追堵斬獲  
首級擒獲賊虜得獲達馬夷器等事理未敢擅  
便為此具本專差千戶張大庸親齎謹題請

旨

萬曆十五年四月 十二 日

之人有實德德軍丁酌量優恤外等

會同巡撫邊東地方無費理

十五年四月廿五日奉旨 議照稍廣節

之人犯官軍降夷奮勇討敵共斬首一十九顆

昔 獲賊屍二名得獲逆馬二十一匹盛甲各五

對出此具本阜表千氏聚大氣驟奮驚駭

音 匪黨於烟墩縣縣用夷器率率野未雄

下 奏請計程糾查賊寇本外變官軍制夷並敵博

東 應請即賞公限收罪盜自具應即請幹通行

甄別練兵官員疏

題為甄別練兵官員以昭勸懲以勵人心事准巡撫遼東地方兼贊理軍務都察院右副都御史顧

會稿據山東布政使司分巡遼海東寧

道兼理廣寧等處兵備右布政使任天祚整飭

寧前兵備右叅政劉易從整飭開原兵備右叅

政王緘分守遼海東寧道兼理邊備右叅政栗

在庭整飭金復海蓋兵備管死馬寺卿事右叅

政郝杰各呈將分隸營伍簡練過兵馬器械分

數及各練兵將領備守等官分別勤惰回報到  
職又准鎮守總兵官寧遠伯李成梁手本將督  
查過各營將領等官練兵分數分別等第回復  
到職准此案照萬曆七年八月內准兵部咨為  
土酋屢挾貢市遼鎮孤懸可虞懇乞

聖明申飭兩鎮邊臣協心防禦事該前任巡撫都御

史周 等會

題條議練兵該本部覆議看得所題大率謂該鎮  
兵馬惟正兵一營簡練已成數苦不多各營將

領雖經簡練率多未精欲照近議於七月中旬  
責令總兵官親詣各營閱視年終督撫稽覈分  
數多寡考其將領道寺勤惰深得責成之法合  
無依其所擬咨行該鎮督撫衙門查照所議行  
令總兵官於七月內親詣各營點視要見軍丁  
馬匹果否精壯盔甲器械果否堅利務在略去  
虛文幹理實事督率查閱一如正兵選練之法  
中間將領有簡練無效者輕則懲戒重則叅究  
每歲終即以練兵分數多寡分別各官勤惰聽

督撫舉劾懲勸等因題奉

欽依備咨前來已經通行各兵備道轉行各將領等  
官欽遵查照簡練及會將正兵營盔甲臂手弓  
箭腰刀撒袋每營各發一件立為式樣行令照  
式修整又每營每季酌給操賞銀兩責成各道  
監督簡練除萬曆十三年已經分別會

題外今照萬曆十四年又該總兵官李成梁親詣  
點驗及委官查點去後今據前因會稿到臣該  
臣會同巡撫遼東地方兼贊理軍務都察院右



副都御史顧

查據各營簡練實數

以上  
年點驗舊冊各將領等官之勤惰蓋有莫可掩  
者除新任與增練不多怠玩未甚者臣等量行  
分別獎戒不敢槩瀆

聖聽外查得廣寧正兵營萬曆十三年終官軍家丁  
降夷一萬一千七百三十員名十四年終訓練  
過堪戰精壯軍丁二百八十名易補增買過臆  
壯大馬二千七百八十四匹比上年數外新增  
降夷九十五名明盔九十五頂明甲八十五副

青甲一十副臂手八十副遼陽副總兵營萬曆  
十三年終官軍家丁三千一百九十四員名十  
四年終訓練過堪戰精壯軍丁二十二名易補  
增買過臆壯大馬羸四百九十七匹頭比上年  
數外新增軍士二十三名捉補過逃故官軍二  
百七十三員名增造過明盔二十三頂明甲四  
十副青甲一百二十三副鐵臉五百六十面斫  
刀三百把鈎槍一千杆鈎頭砲一千杆修整過  
明盔三百頂明甲一百五十副青甲一百副臂

手一百五十副廣寧遊兵左營萬曆十三年終  
官軍家丁一千九百五員名十四年終訓練過  
堪戰精壯軍丁一百一十三名易補增買過臚  
壯大馬一百七十一匹比上年數外新增軍丁  
六十五名鈎槍四百三杆修整過明甲三百三  
副正安堡車營萬曆十三年終官軍家丁一千  
五百一十二員名十四年終訓練過堪戰精壯  
軍丁四百五十五名增買過臚壯大馬一匹比  
上年數外新增軍士一千名修整過明盔一千

九百七十七頂明甲二百八十一副青甲一千  
六百九十六副臂手二百三十四副寬奠叅將  
營萬曆十三年終官軍家丁一千四百九十四  
員名十四年終訓練過堪戰精壯軍丁三十一  
名增買過臆壯大馬二十二匹比上年數外新  
增軍士二名捉補過逃故軍士一百八十六名  
增造過明盔二頂青甲二副開原叅將營萬曆  
十三年終官軍家丁二千七百九十六員名十  
四年終除前任副總兵宿振武帶去家丁一百

名外訓練過堪戰精壯軍丁一百三十五名增  
買過臆壯大馬一百六匹比上年數外新增軍  
士一百一十四名明盛一十八頂青甲一十八  
副寧遠叅將營萬曆十三年終官軍家丁二千  
二百九十九員名十四年終訓練過堪戰精壯  
軍丁二十五名原馬二千八十七匹俱各臆壯  
比上年數外新增軍丁二十名明盛二十頂明  
甲四十三副臂手二十一副錦州遊擊營萬曆  
十三年終官軍家丁一千六百二十員名十四

年終訓練過堪戰精壯軍丁一百七十二名增  
買過臆壯大馬一百四十八匹比上年數外新  
增家丁五十名長槍五百杆修整過明盛五百  
疋青甲五百副義州參將營萬曆十三年終官  
軍家丁二千一百八十員名十四年終訓練過  
堪戰精壯軍丁八名易補增買過臆壯大馬一  
百九十九匹比上年數外新增軍丁六十四名明  
盛一百頂明甲一百副臂手五十副前屯遊擊  
營萬曆十三年終官軍家丁二千八十二員名

十四年終訓練過堪戰精壯軍丁九十二名易  
補增買過臆壯大馬二百九十五匹比上年數  
外新增軍丁八名修整過明甲一百二十副臂  
手八十八副廣寧遊兵右營萬曆十三年終官  
軍家丁一千五百八十八員名十四年終訓練  
過堪戰精壯軍士二名增買過臆壯大馬一匹  
比上年數外新增軍士二名臂手一十副修整  
過明甲一百副青甲五十副領兵遊擊營萬曆  
十三年終官軍一千五百七十二員名十四年

終除前任遊擊楊元帶去隨任家丁九十名外  
訓練過堪戰精壯軍丁一百一名易補過臆壯  
大馬六十四匹比上年數外新增家丁八十六  
名青甲一百副鈎槍一百杆修整過明甲三百  
副臂手四百副鐵嶺遊擊營萬曆十三年終官  
軍家丁三千九員名十四年終訓練過堪戰精  
壯軍丁一百名原馬三千三十四匹俱各臆壯  
比上年數外新增明甲三十九副臂手一十一  
副中固備禦營萬曆十三年終官軍家丁九百



十四年終訓練過堪戰精壯軍士七十六名易  
補增買過臆壯大馬五十匹比上年數外新增  
軍士三名修整過明甲三十五副青甲八十三  
副臂手二十五副義州備禦營萬曆十三年終  
官軍三百員名十四年終訓練過堪戰精壯軍  
士六十名原馬二百五十匹俱各臆壯比上年  
數外新增軍士一十三名西平堡備禦營萬曆  
十三年終官軍九百一十七員名十四年終訓  
練過舊操官軍俱各精壯堪戰原馬五百二十

六匹俱各臆壯比上年數外修整過明盈九百  
三頂明甲一百七副青甲七百九十六副臂手  
一百七副虎槍六百杆蒲河備禦營萬曆十三  
年終官軍一千二百八員名十四年終訓練過  
堪戰精壯軍丁五十二名增買過臆壯大馬一  
十匹比上年數外新增軍士四名明盈四頂明  
甲二副青甲二副臂手二副長奠堡備禦營萬  
曆十三年終官軍四百四員名十四年終訓練  
過舊操官軍俱各精壯堪戰增買過臆壯大馬

五匹比上年數外新增臂手一十八副開原備  
禦營萬曆十三年終官軍七百員名十四年終  
訓練過堪戰精壯軍丁七十七名增買過臆壯  
大馬一十一匹比上年數外新增軍士二十四  
名明盛二十四頂青甲二十四副慶雲堡備禦  
營萬曆十三年終官軍一千二百一十八員名  
十四年終除前任備禦劉維藩帶去隨任家丁  
三十名外訓練過堪戰精壯軍丁二十名增買  
過臆壯大馬一十六匹比上年數外新增軍士

九十名明盔三十頂青甲三十副汎河備禦營  
萬曆十三年終官軍七百六十六員名十四年  
終訓練過堪戰精壯軍士五名增買過臙壯大  
馬七十八匹比上年數外新增軍士五十一名  
明盔五十一頂明甲四十三副青甲八副臂手  
七副據各營練兵之績其實如此既有勤惰之  
分當舉勸懲之典如廣寧正兵哨探營加銜副  
總兵李平胡前鋒加銜副總兵李寧李興選鋒  
中營加銜副總兵查大受選鋒左營加銜遊擊

唐伯美前鋒外家丁左營加銜叅將塗寬前鋒  
外家丁中營加銜遊擊塗廣前鋒外家丁右營  
加銜遊擊胡尚忠選鋒中營督陣原任遊擊蔣  
位選鋒右營督陣加銜遊擊蔣國泰選鋒左營  
督陣原任叅將熊朝臣標下中軍原任遊擊王  
盛宗坐營中軍金承武正兵營旗鼓官陳一諤  
管前鋒裏降夷所守備高良弼前鋒哨探營加  
銜備禦李繼武前鋒外家丁左營中軍加銜備  
禦高貞練兵馬則鬼神可動飭器械則戰守深

裨翼大將如子弟之為父兄殲強虜若鷹鷂之  
攫鳥雀又如遼陽副總兵楊燮廣寧左營管遊  
擊事加銜副總兵孫守廉寬奠管叅將事加銜  
副總兵王維貞正安堡車營管遊擊事副總兵  
姚大節義州管叅將事遊擊黑雲龍開原叅將  
李宗召錦州管遊擊事加銜叅將李文芹寧遠  
叅將李維藩前屯遊擊祖承訓鐵嶺遊擊黃應  
魁廣寧右營遊擊陳嘉寵中固管備禦事加銜  
遊擊劉仲文領兵遊擊張世爵開原備禦吳希

漢前屯備禦楊紹祖金州守備王善政汎河備  
禦董文貴長莫堡備禦王紹芳義州備禦栢朝  
翠蒲河備禦趙之牧慶雲堡備禦吳嗣勳鞏陽  
守備王印鎮靜堡守備鄭應時西平堡備禦楊  
紹先守邊疆各當豺虎之衝訓士卒俱得熊羆  
之旅遠近星羅棋布而人人效能日夜仰瞻卧  
薪而時時奏績以上諸臣俱練兵著有勲勞所  
當敘薦以示激勸以需錄用者也內李平胡於  
大帥為先鋒李寧李興為左右翼此三臣者虜

中素所畏憚鎮城大營之中缺一不可且相與約為兄弟誓同生死語其報

主上之心真可謂忠臣義士跡其事大帥之節誠不愧孝子慈孫近李平胡雖加陞右都督李寧李興亦俱為副總兵而隨營報效之勤如故察其心即以他鎮一鎮守與之所不願也臣等以為此三臣積有功勞第當加其名號厚其賞賚聽其為大帥之手足而不宜他推以奪驍將而損軍聲者也高良弼以統降夷而得虜中之情狀



之內積功累勞甚盛其餘修守訓練之勤姑無論已查得萬曆十一年十二月內為恪遵

明旨仰仗

天威剿平逆虜以安孤懸邊鎮等事剿殺逞仰二奴  
斬獲首虜一千五百六十三級救回漢人一十  
三名口擒獲幼夷七口本官以副使帶管開原  
道事督兵有功陞右叅政十三年三月內為虜  
賊糾謀復舉仰仗

天威主將督兵出塞奮剿大捷事於丁字泊堡邊外

地名打大斬獲首虜八百三十七級救回被虜  
婦女一口本官以功陞按察使十四年二月內  
為大虜結聚謀犯主將相機出師仰仗

天威官兵奮勇擒斬獲收奇捷事於鎮邊堡境外地  
名可可母林斬獲首虜九百二級救回漢人二  
十二名口擒獲幼夷男女七十八名口本官以  
功陞右布政使而今以原任兵部武選司郎中  
考察浮躁淺露應降一級調外任夫京考黜幽

固

皇上肅京官之大典而邊功進秩亦

皇上勵邊臣之大權誠使舉任天祚今昔功過而較  
量之不啻足以相當者今以疇昔之故而一旦  
盡棄其平生臣等是以惜之而深嘆其置邊功  
於無用也又如正兵營前鋒裏家丁左哨千總  
安樂州都指揮使李尚仁挽強弓舊殲射鵬之  
虜馳單騎新斬躍馬之酋前鋒裏家丁右哨千  
總鐵嶺衛都指揮僉事金尚禮隨大營先登之  
績屢著守高橋死戰之功最奇廣寧左哨千總

廣寧左衛指揮僉事劉應德貌雄偉而騎射尤  
閑氣勇猛而戰陣素練火器哨千總廣寧衛指  
揮使黑雲鳳技藝優閑而訓練動英資颯爽而  
行陣熟廣寧後哨千總金州衛署都指揮同知  
趙國禎練火器則營陣增威統操軍則旌旗生  
色廣寧前哨千總廣寧衛指揮同知安本固資  
身有策而操守最廉訓士知方而擔當甚勇前  
鋒外家丁中營中哨千總鐵嶺衛指揮同知詹  
鞠養年青茂而志向不群力剛強而騎射罕儼

廣寧中軍哨千總定遼右衛都指揮僉事趙栢  
領士馬威行於塞外斬首虜名振於軍中廣寧  
右哨把總廣寧左衛前所正千戶宋國賓才明  
練而精勤以任事氣果敢而踴躍以從戎把總  
寧遠衛左所試百戶楊清通敏有集事之才慷  
慨負建功之志廣寧中哨把總廣寧左衛中所  
正千戶楊體元散糧給軍無科剋而素有絕甘  
之節領價市馬多竒羨而且收汗血之良前鋒  
裏家丁左哨把總蓋州衛中所實授百戶鄒添

福遇敵則挺孤身於數百虜之中追亡則斬亮  
首於三十里之外前鋒裏家丁右哨把總廣寧  
左衛左所試百戶徐義動遠戍而觸盛暑之戰  
尤難遇大虜而保高橋之績堪紀前鋒外家丁  
左營左哨把總廣寧衛署都指揮僉事宋資隨  
營則訓練之力居多出塞則斬獲之功非一寧  
遠義兵千總寧遠衛指揮僉事王宗堯才具老  
成而戎務堪託志氣奮發而虎穴可探正安堡  
車營中軍定遼後衛都指揮同知葉賁隨征剿

屢有捕斬飭營伍更見作為守鎮邊堡廣寧衛  
指揮使李都恤貧軍遇災而不至離散擒逸賊  
正法而可示威嚴以上諸臣均應紀錄以俟遇  
缺推用者也又查得管海蓋叅將事加銜副總  
兵宿振武貌既欠揚才亦甚短圻堠之火器未  
備傳報何憑丁夜之偵探不明收保奚賴馬匹  
半瘦豈盡芻莢之不充市米強賒不恤行戶之  
生怨海蓋乃近邊之地本官非應變之材近日  
東昌堡零賊入犯殺虜不下數十人而本官止

報三人即此一節所當革任以為欺蔽之戒者也右屯備禦寧國胤急於奉公而動于衆怒勇於任怨而不近人情先為遼陽中軍義兵非不練也而甲馬促辦於旦暮大啓流言今為右屯備禦壞城非不修也而版築無間於朝昏致遭告訐蓋本官性嚴刻而事固執招尤速謗其來有由雖跡其謗書皆無驗而人心大失難以善終亦應革任以俟佩韋改絃而別用者也前項各官員缺急應議補查得廣寧左管管遊擊事



加銜副總兵孫守廉勇略著聞才具通練守已  
不失乎尺寸料敵動中乎機宜廣寧右營遊擊  
陳嘉寵鎮靜不浮謹飭有守撫士卒人情安堵  
整部曲陣勢排山以上二員俱堪推補宿振武  
員缺如用孫守廉查得開原備禦吳希漢猛氣  
鷹揚雄姿虎視任廣寧則積案舉於勤敏調開  
原則市夷憚其威嚴原任遊擊王盛宗偉幹罕  
倫壯心自許事多練而力足擔當病久痊而才  
堪敘用以上二員俱堪推補孫守廉員缺如用

吳希漢查得開原叅將中軍三萬衛指揮僉事  
王汝徵敏而知機圓而善事總操司能作士氣  
管中軍大得人心鐵嶺右哨千總鐵嶺衛指揮  
使宿振文廉知守已勇欲吞胡威名著群酋之  
中騎射出諸軍之右以上二員俱堪陞補吳希  
漢員缺又查得掌潘陽中衛印東寧衛指揮僉  
事王玠操守謹飭才識通明撫疲衛軍士歸心  
處衝邊修防有策掌定遼左衛印定遼中衛指  
揮僉事佟養中志氣並壯才守甚優管捕別盜

賊潛消視篆則廢閣漸舉以上二員俱堪推補  
甯國僣員缺又據報懿路備禦陸尚學近已病  
故查得鐵嶺遊擊營中軍遼海衛指揮使彭國  
珍力可兼人射能殲虎捕斬名聞於諸虜傳宣  
令肅於三軍遼陽守道中軍定遼中衛署都指  
揮使康元吉廉正得人動能集事練義兵勞績  
可紀統降夷威惠適宜以上二員俱堪推補陸  
尚學員缺又查得廣寧備禦郭濟川敏練有為  
而官坐治乎里閑任法難終長真備禦王紹芳

精爽多識而任久偏於東隅人情易玩此二臣  
者相應更調者也又查得遊擊陳伯懌修路河  
則湮塞將通墾荒田則草萊漸闢雖大水懷襄  
成功半棄而苦心經畫良法猶存即災傷之後  
而收穫水稻雜糧尚七百餘石其功勞固不可  
泯也但本官閩產也塞上沍寒風氣已自非宜  
官中蕭索水土亦且不服形容憔悴舉動周章  
遼左非其久處之地相應聽其回籍以俟腹裏  
推用者也隨營加銜遊擊李如梧覩其貌不過

中人試其技可當勁敵查得本官為總兵官李  
成梁親姪該前任撫臣李 與成梁會議疏請  
裁免以避嫌疑且言其年青力壯技藝俱優才  
難終棄該兵部覆候別鎮員缺仍以原官調補  
至今隨營征防如故雖出塞屢有戰功而本鎮  
難以推用在成梁終為有嫌當避在如梧竟爾  
無路可前不無可惜似應如前議別鎮推用以  
盡其才者也伏乞

勅下兵部再加查議將李平胡等楊燮等紀錄優敘

任天祚等移咨吏部紀錄擢用李尚仁等遇有相應員缺推用宿振武寧國胤章任各員缺即將孫守廉等推補郭濟川與王紹芳更調陳伯懌回籍聽用李如梧聽調別鎮庶勸懲有機而衝邊文武諸臣知勵矣緣係甄別練兵官員以昭勸懲以勵人心事理未敢擅便為此具本專差千戶張大庸親齎謹題請

旨

萬曆十五年四月

十二日

議復府佐官員疏

題為議復府佐官員以重餉運事准整飭薊州等處邊備兼巡撫順天等府地方都察院右僉都御史蹇會稿先據霸州道兵備副使田時秀呈稱通惠河係

國家咽喉本道所屬南接天津入武清香河灤縣以抵通州延長二百餘里河身壅淤堤岸衝決年年有之故於沿河一帶編墾淺夫二千三百有奇三縣各以佐貳分管先年設有順天府通

判一員駐劄河西務總攝其事後因列銜京職  
部道難以責成遂致裁單止用把總一員分管  
河東堤岸遂與三縣佐貳不相統屬而事權輕  
矣武弁多不得人堤淺夫役易於買閑無以積  
棍包攬修濬祗應故事無論漕運愆期即河東  
堤岸隨築隨衝以致香河寶坻等處連遭水患  
本道駐劄霸州相距運河二百餘里一經行查  
往返旬日卒難濟急其把總係工部委用又難  
盡法督責與其用把總孰若用通判工部可以



兼委不知更置之初意謂何而舛錯至此也况天津直沽地當瀕海萑葦叢茂號為鹽徒淵藪散布於武清香河灤縣文霸永清東安大城之間為奸為盜出沒無常各縣雖有巡捕官快止於境內巡守捕獲雖多終屬不靖若於楊村地方設管河通判兼管巡鹽捕盜而付以附近捕役縱有鹽盜生發可一鼓而就擒矣且境內又有渾河一帶起固安永清至東安堤岸時有衝決雖各縣連年修築上下源委未必同心一處

四  
卷之九  
二

衝決殃及鄰土如一付之管河通判責令於運  
河堤岸及時防護修築則渾河一帶永保無虞  
以上三事首為漕河要務均宜議處合無比照  
各處管河管餉事宜及照先年規制仍復通判  
一員帶銜河間府駐劄楊村適中地方仍隸工  
部分司及聽本道調度專管運河事務帶管沿  
河捕盜巡鹽糧運完日料理運河及固永東安  
等處堤岸其管河縣佐并沿河衛縣巡鹽巡哨  
員役悉聽稽轄及照武清縣小直沽楊村河西

務三處各設有巡檢一員今議設通判駐劄楊  
村則地方已有彈壓楊村巡檢即為冗員又河  
西務見有鈔關監督復有委官收稅其稅課局  
官亦為濫設合將前項司局并把總官員通行  
裁革即將三處廩餼人役等項盡充通判供應  
借河西務工部閑廳暫住仍用前項裁革公署  
物料改建楊村如其不敷聽本道行令武清香  
河灤縣各查照原徵流寓及商稅銀內酌量處  
補其河西務巡檢暫住楊村俟府聽完日仍舊

掣回其於漕河地方裨補多矣又據薊州道兵備副使朱衣呈稱會同管糧衙門查議得薊州鎮餉務原屬永平府管糧通判管理因遙制不便於嘉靖四十三年改屬薊州同知但所屬一十四倉惟黃崖口等四倉係屬本州餘係遵化遷安二縣所轄州同官卑難於統攝隆慶三年蒙前任督撫議照密昌永三鎮事規題設薊州鎮管餉通判一員帶銜永平府駐劄適中遵化縣往來總理向無異議祇因接管通判龍游縱

容下隸需索多端萬曆十二年蒙前任督撫題  
單通判餉務仍歸薊州同知兼管但自裁併之  
後餉事日漸因循查理漫無端緒如先任同知  
陳三頌年衰守肆奸弊蝟起即將軍倉副使劉  
珂任滿交盤查出侵費虧折米三百餘石三頌  
漠然不知兼理何在况通判之設不獨分管餉  
務亦且查勘邊情西東二路俱有通判可委中  
協四路往往失事有司正官既難離任本道責  
任監督遽難一一親勘即欲委官止憑州縣佐

貳及經歷等員就中通同庇護勢所必有所據  
管餉通判相應設復等因各具呈到職會稿到  
臣該臣會同整飭薊州等處邊備兼巡撫順天  
等府地方都察院右僉都御史蹇 巡按直隸  
監察御史任養心議照河運軍餉均京邊命脉  
所關顧總理必得專官而後事無滯格以霸州  
道屬河運言之嘉靖年間原有通判一員凡堤  
岸之修濬漕糧之護防皆其總理祇因列銜京  
兆司道不便監臨遂至裁革而委之把總不獨

權輕起玩事靡滋奸而堤夫習為買閑修護全  
無實蹟如昨歲運河壅淤河水驟發數千漕糧  
盡被漂流其遺害不淺矣况該道轄地廣遠事  
務紛雜武清香河文霸水東一帶地曠人稀鹽  
徒之竊發盜賊之潛滋緝捕雖有官兵而督責  
尚多缺畧該道以一人之身往來奔馳精神流  
貫於四五百里之間繁勞獨甚誠得府佐一員  
帶銜河間府司道監督于上而通判周旋其間  
漕河得以修濟渾河得免衝決鹽徒無敢橫行

蓋一舉而數利興矣及照巡河把總與楊村巡檢河西務局官俱屬冗員悉行裁革所遺廩餼人役改編通判供應官雖復設費不再增該道籌之似已詳盡近行帶管霸州道兵備昌平道右叅議于達真覆查揭報相同以薊州道屬軍餉言之永鎮自有邊餉向以永平府管糧通判兼攝既事難於遙制薊餉多於永餉近以薊州同知帶理又事廢於官卑况薊門三協十二路兩防邊報接踵而來一有疎虞即刻行勘委之



州縣正官則各有倉庫之責一一該道自行則  
苦於無勘之難該道轉委州縣佐貳等官通同  
庇匿之弊必不能免且密雲昌平永平俱有通  
判一員薊州糧餉幾及密雲而倍於昌永乃三  
鎮皆以府佐而薊鎮獨以州同官卑任重展布  
為難平居無事尚爾因循一遇邊報緊急調遣  
迅若雷霆餉運急如星火以一州同理之率多  
貢途衰腐之輩寧足恃乎貽累匪輕如該道所  
謂將軍倉副使劉珂侵費米三百餘石帶管同

知置之不聞則猶其小者耳若謂下人需索貽累商人此後論黜通判亦足懲創併其衙門而單之似屬未便所據劄霸二道議復管河管餉通判各一員臣等亦知省官可以省費第權利害之輕重酌事勢之緩急委應復設即使因循以待異日貽累連餉勢不容於不復毋論楊村即蘄州鎮之衙子將日傾圮供應之類廢而復編後來益多事夫臣等再三籌度委不容已伏乞

勅下該部再加查議如果臣等所言不謬合無復設  
管河通判一員帶銜河間府駐劄楊村聽工部  
分司及該道監督專管修濬運河防護漕糧并  
築渾河堤岸兼攝巡鹽捕盜管河縣佐及沿河  
衛縣巡哨員役悉聽稽轄其管河把總楊村巡  
檢河西務稅課局官悉行裁革所遺廩餼人役  
改編通判供應與夫新建公署應用工料量動  
商流悉聽該道設處不得干預民力薊州鎮仍  
復管餉通判一員精選廉幹有聲者照舊帶銜

永平府駐劄遵化縣供應衙宇如故不煩措置  
庶漕河疏濬諸務克修而軍餉邊情緩急有賴  
矣緣係議復府佐官員以重餉運事理未敢擅  
便為此具本專差千戶張大庸親齎謹題請

旨

萬曆十五年四月 二十七 日

災異疏

題為災異事准整飭薊州等處邊備兼巡撫順天  
等府地方都察院右僉都御史蹇會稿萬曆  
十五年五月初九日據薊州道兵備副使朱衣  
呈為地震事據三屯營守備邢謙呈據本營陰  
陽生南王成呈稱本年五月初五日酉時地震  
自西北起東南去訖響聲如雷等因本日又據  
喜峯路叅將杭大才稟為異常災患事據李家  
谷關提調楊官報稱本月初五日申時天降驟

雨風雹交作酉時方止冰雹壅積尺餘河水泛漲查自口外起往南至塔子山迤南約有三十餘里東自鐵門關西起至石梯子止約八九里冰雹如棗栗核桃之狀平地壅積一尺餘深盡將本關軍民田苗瓜果打毀衝壓事出異常等因各呈報到職會稿到臣該臣會同整飭薊州等處邊備兼巡撫順天等府地方都察院右僉都御史蹇 巡按直隸監察御史任養心巡關監察御史傅光宅議照地道主靜動則失常雹

乃陰沴尤為垂異即今順永二府境內雨澤愆  
期土脉乾燥臣等方切恐惶通行所屬竭誠祈  
禱乃茲一日之內邊關要區有此災變皆臣等  
奉職無良所致除痛自修省及申飭所屬文武  
將吏共加警戒益圖安攘實政以慰

聖衷外緣係災異事理為此具本專差千戶張大庸  
親齋謹具題

知

萬曆十五年五月 十二 日

國故中民等蓋開方半半電匪積尺餘河水泛

伏 漲谷口外起往南至塔子山迄南約有三十

餘廣設用條開西起至石梯子止約八九里

運來不知將是果實野蔬其水集于以兼天蕭

冰更共吹雪滿蓋圖安野者知必極出異常等

本無無身西定相識自必自入律讀我讀文短

無已一一日之內必關要圖所出矣要者其筆

賦上相與一五年考才必逐逐由谷而而而而

以則念其海年果實今雖不二三也動以而動



究處造言首惡疏

題為究處造言首惡以正軍法以折奸謀事准整  
飭薊州等處邊備兼巡撫順天等府地方都察  
院右僉都御史蹇會稿准鎮守薊鎮總兵官  
署都督同知張臣手本蒙軍門憲牌前事照得  
先日奸徒倡言減餉鼓惑南兵空手下臺具告  
求退及聞餉額照舊原無議減即刻回臺此諸  
兵初被搖惑旋守法紀情有可原已出示曉諭  
餘人並不追究惟造言奸徒始自中路幾陷東

西二路諸兵以擅離信地之罪陰壞近日裁減  
冗員優養南兵之法殊為可恨牌仰本鎮即將  
造言倡首奸徒吳公泰等速拏究審明確先以  
軍法網打具由詳報以憑會同撫院具

題施行等因到鎮又准撫院手本亦同前事本鎮  
依蒙行據該營副總兵朱先將先日倡言減餉  
惑衆為首犯人陸文昌并何天徐洪該協副總  
兵葛紹忠將犯人吳公泰本鎮將犯人葉子求  
各拏獲到官會同永平道兵備叅政葉夢熊蒞

州道兵備副使朱衣審得吳公泰原係南兵營  
領兵千總近因題裁冗員降充太平路守臺把  
總因此常懷怨恨操兵陸文昌平素自逞善寫  
通文亦恨朱先平時約束過嚴因見三月餉冊  
造支稍遲公泰與文昌就乘機造言本營將領  
朱先條陳減餉鼓惑兵心適會鎮守下旗手葉  
子求倡言本營議將兵餉減去三錢每月止一  
兩二錢我等見少三錢等情以致衆兵猜疑欲  
行告退吳公泰陸文昌乘機鼓衆捏寫有不下

臺者斬首票約何天知情傳遞致令南兵於本  
月二十八日一齊下臺告退回南陸文昌又勒  
取中路每隊各出銀錢不等共幫貼銀五十四  
兩文昌承認當頭先已得銀一十八兩以致煽  
動全鎮臺兵相率各離臺守隨蒙督撫鎮道曉  
諭並無減餉之說除馬蘭等路南兵遵諭回臺  
惟吳公泰陸文昌倡率松棚路兵士屯聚羅文  
谷營聲言索要朱先見面諸兵有情願回臺者  
何天即又聲言拏來殺了不許回臺當蒙本鎮

家丁圍集方懼威情願各歸營臺訖已蒙督撫  
出示姑念臺兵無知下臺告糧原無別情通免  
追究惟行文本鎮查究造言首惡間徐洪復逞  
平素兇暴不服頭目約束于本月初十日至龍  
井關玩法毆打隊總陳忠明又將旗總鄭金糾  
衆亂打該千總郭啟明稟究等情致蒙訪得吳  
公恭等前情是的行文拏究本鎮亦將葉子求  
通行訪拏在官今將審過略節先行具報等因  
到職准此又據薊州道兵備副使朱衣呈詳審

過犯人謝封沈隆等供稱俱投中路南兵營書  
記謝封不合專一需索放糧常例沈隆將萬曆  
十五年三月糧銀不合指稱紙筆缺用需索銀  
錢致將文冊怠緩各兵向沈隆囑說無由抵飾  
又不合妄言臺兵錢糧未完因此奸人乘機訛  
傳惑衆等情呈詳前來據此卷查萬曆十五年  
四月初一日准鎮守總兵官張臣手本為邊務  
事本年三月二十四日據松棚路遊擊高徹馬  
蘭路叅將愈應乾等揭稟南兵誤聞副總兵朱

先條陳減糧俱漸次下臺告退回南等因該本  
鎮西歷密雲旋至熊兒營就經通行三協路提  
中軍等官傳諭各兵並無短減糧餉毋聽奸人  
搖惑去後又令協守中路副總兵葛紹忠督同  
管南兵副總兵朱先該路叅將俞應乾等曉諭  
俱于二十六日陸續回臺去訖又據遊擊高徹  
稟報本路南兵在羅文谷候齊隨該本鎮親臨  
羅文谷營先出示曉諭及張兵威欲行軍法各  
兵畏懼求救於永平府范同知向鎮長跪懇免

又該薊州道兵備朱副使親詣馬蘭路差官齎  
牌前來傳諭後該本鎮責令協守將各兵帶至  
公署面諭各兵俛首帖服于本月三十日午時  
盡數上臺去訖又據協守東路副總兵楊紹勳  
協守西路副總兵李如栢等呈據臺頭燕河曹  
家墻古等路亦稱各兵誤聞減糧離臺告退續  
該永平等道兵備葉叅政等曉諭各兵俱各上  
臺去訖本鎮看得各南兵妄疑將領條陳減糧  
是以兵心煽動下臺告退除馬蘭等路雖有下



臺遵諭旋回信守外惟松棚路兵似為頑慢本  
當治以軍法但查各兵更無別情姑念無知被  
惑罪難加衆既已遵諭各回信守通應免究除  
具稟軍門及揭報按關二院外合用手本前去  
查照施行等因准此又該職會同軍門照得守  
臺南兵遠離鄉井戍守邊疆勞苦可憫止靠月  
餉一兩五錢以資養贍近該督撫會題兵部覆  
奉

欽依將各兵月餉互相稽察不許短少分毫以杜經

管人員指稱剝削俾各兵務得實惠已經通行  
曉諭乃今忽有此減餉訛言煽惑兵衆其倡為  
訛言惑衆者不過一二人又經備行該鎮一面  
曉諭各兵並無減餉各令在臺安守一面查訪  
倡為訛言者的係何人嚴拏具報其不知情不  
係為首之人俱免連坐不許混拏致妨防守等  
因在卷今該前因會稿到臣卷查節行事理相  
同該臣會同整飭荊州等處邊備兼巡撫順天  
等府地方都察院右僉都御史蹇 巡按直隸

監察御史任養心巡關監察御史傅光宅議照南兵誤聞減糧下臺告退雖已離信地而未敢執一噐械擾一居民情尚可原故臣等出示曉諭姑免究衆兵而止查其首惡今據審報到臣看得吳公泰陸文昌懷挾私恨首倡訛言陸文昌復勒騙財物葉子求以標下旗手鼓衆傳言與何天協助奸謀傳遞惑衆以致臺兵輒離信地幾悞防守大計且各路兵俱已遵諭回臺公泰等不即回臺必欲索見朱先意欲何為若徐

洪當屢行禁諭之後復以小忿毆傷本管隊總  
糾衆毆傷旗總故違軍令皆漸不可長者况劄  
鎮為南北軍兵屯聚之所狡夷日切窺伺平時  
奸徒無忌至此萬一有警何以責其用命以上  
各犯所當盡法重懲以警將來相應題

請伏乞

勅下該部覆議上

請將吳公恭陸文昌葉子求何天等俱以軍法梟示  
以為邊防首倡惑衆者之戒徐洪從重網打枷

號以警其餘庶奸宄潛消而軍令自肅矣再照  
邊事興革期於體

國益邊安衆兵而固防守耳至於博名射利之徒  
勢不能人人而悅之也南兵據臺為守誠有功  
於薊鎮而臺兵日寡則防守空踈冗總日多則  
侵冒雜出亦有蠹於薊鎮臣等先會議具

題裁冗員以增臺兵無損於餉而有益於邊固計  
之甚便者况願回南者量給盤費見降克者聽  
其挨補其於裁革各總亦曲為之計矣乃今裁

單各總方造流言以陰壞良法而副總兵朱先  
復有以致之即如書手謝封需索常例沈隆造  
冊稽遲失於關防約束以致奸人並藉之以愚  
各兵而羅文谷南兵不即回臺固有以也然臣  
等於時未敢遽恭以衆兵下臺告糧情非得已  
倡言首惡尚未查究而獨罪將官非所以全將  
體茲者首惡既擒而副總兵朱先職叨營將罪  
亦難逭相應叅究叅照中路南兵營副總兵朱  
先歷官頗負才名臨事殊多闕略積書需索既

鈐束之已踈造冊稽遲又督核之未密其迹似  
吝疑亦有因所當調處但其曲計以羈留倡言  
之公恭既竭心思多方以擒執惑衆之群奸獨  
肩勞怨其正首惡之功既不可泯及照近來海  
內兵心易動皆奸徒播弄於其間及事定正法  
於奸徒僅一二人而將吏之被罪者紛紛以去  
以故奸徒欲中傷將領者輒為激變之說而將  
官去留反在其股掌間關係於人心紀綱者殊  
不眇少故臣等

請寬朱先之罪而錄其功  
復姑行罰治以示勸懲

伏乞

勅下該部將副總兵朱先量議罰治仍容臣等將吳公泰陸文昌葉子求何天行令該鎮以軍法梟示徐洪從重緝打枷號以盡其辜書手謝封等從重問擬發落其餘一應臺操脅從人等不分已未發覺俱免追究庶紀綱正而邊防永固功罪明而人心帖服矣緣係究處造言首惡以正軍法以折奸謀事理未敢擅便為此具本專差



親齋謹題請

旨

萬曆十五年五月二十四日二十五日據鎮

武備道... 正... 稱... 節... 象... 撫... 鎮... 并... 分... 巡

兵備... 任... 布... 政... 等... 號... 火... 牌... 案... 驗... 准... 家... 軍... 門... 咨

... 等... 官... 詳... 一... 清

任... 自... 疏... 報... 等... 各... 款... 林... 東... 廣... 石... 灰... 鋪... 檢... 土... 備

恩... 日... 直... 表... 義

卷... 之... 七

五

一、其外先之罪而彰其功。復始行刑治以示勸懲。

下款部將副總兵朱允量議刑治仍容臣等將吳公奉陸文呂葉子承河天行令該鎮以軍法梟斬戮賊首並妻孥前於題詞宣慰使書手謝封等擬重刑擬發落其餘一應臺操管役人等不分皂白亦宜嚴究追究庶紀綱正而邊防永固功冒罪明斯人心知懼服誠係究處違言首惡以正軍法以彰好惡而重國體伏祈聖裁謹具奏請

遼鎮虜賊節犯官軍拒勦獲功疏

題為虜賊節次犯邊官軍奮勇拒剿斬獲首級得  
獲達馬分別有功有罪官員以昭勸懲事准巡  
撫遼東地方兼贊理軍務都察院右副都御史  
顧會稿萬曆十五年四月二十五日據鎮

武堡遊擊劉崇正呈稱案照節蒙撫鎮并分巡  
兵備任布政急字等號火牌案驗准蒙軍門咨  
案節據臺頭燕河太平等路副叅等官解一清  
任自強郭銘等各稟報東虜黑石炭銀燈土蠻

把漢打來罕一指委正等大小頭兒數十箇各  
帶領達子要在四月初十等日前後犯搶廣寧  
東西地方又據鎮靜堡守備鄭應時稟據市夷  
卜當等密說東夷頭兒把兔兒卜言顧老撒卜  
兒愛煖兔伯言兒等帶領各營達子馱着盔甲  
要在四月二十前後在三岔河迤西沙嶺高平  
大小黑山一帶地方犯搶報讐等因本職遵依  
即行本營中軍千把總佟嘉慶等及所屬西平  
等堡備禦守堡楊紹先等各嚴加隄備收斂人

匹虜去官馬三十四匹并竈菜男婦陳來子等  
一十三名口及種田經行馬牛驢騾共一十七  
匹隻頭燒燬經行車五輛等情又據遊擊劉崇  
正呈稱先奉明文本職帶領千把總廣世勲等  
督率馬步官軍家丁在老鴉莊臺空防修路河  
工程行令中軍佟嘉慶并代守堡王承勲在堡  
防守遲放經行收斂人畜佟嘉慶王承勲疎慢  
不嚴將竈取柴菜人畜不行禁止致賊撲掠本  
職在工所相離本堡二十餘里被賊隔阻鏖戰

本職逗遛之咎理宜甘受其咎嘉慶王承勲守  
城踈慢搶掠人畜本職恐有未盡仍行佟嘉慶  
嚴督王承勲復查虜掠老小男婦吳保住等三  
十八名口等情俱呈報到職本月二十九日又  
據分巡兵備副使鮑希顏呈據管正安堡車營  
遊擊事副總兵姚大節差夜不收蕭有安報稱  
本月二十三日蒙撫鎮會令管降夷守備高良  
弼選差降夷我兌等二十三名於二十六日午  
時從鎮安堡關門出境哨探至申時分行至地

名莫艾兔離墻約四十餘里撞遇哨馬達賊十  
騎就與我兌等對敵斬獲首級一顆得獲達馬  
二匹并夷器等件射死官馬三匹餘賊退遁去  
訖各夷於本日酉時從原路進境等因本年五  
月初五日又據分守道右叅政栗在庭稟准遼  
陽副總兵楊燮手本開稱四月二十九日差令  
降夷阿卜當等家丁楊萬里等二百名從長勇  
堡馬門出境截殺於五月初一日巳時到地名  
中遼河離邊一百餘里林內掩伏至酉時分遙

見達賊約有一百五十餘騎從南順河往北行  
走阿卜當等突出斬獲首級四顆生擒一名海  
廝得獲達馬五匹奪獲牛一十二隻被賊射死  
降夷一名擺賽被傷家丁王友功等三名射死  
官馬五匹餘賊披靡渡河奔入林內去訖各夷  
丁於初二日辰時從長營堡進境等因各亦呈  
報到職據此卷查本年正月初八日據坐營中  
軍金承武呈據守備高良弼稟稱本月初二日  
蒙撫鎮衙門差令本職帶領降夷乃六等四十



七名於初三日巳時從鎮夷堡鎮虜臺出哨至  
初六日申時到地名硃砂碣離墻三百餘里撞  
遇達賊三十餘騎對敵斬獲首級七顆餘賊跑  
走乃六等於初七日戌時從本堡新寺兒山臺  
進境等因本月十六日據管海蓋叅將事副總  
兵宿振武稟稱十四日據東昌堡備禦古大相  
差夜不收黃景運稟報本日寅時達賊約有二  
千餘騎徑奔本堡流沙溝臺一半被河岸冰坎  
將馬跌倒一半在河北岸站立止前鋒賊三百

餘騎徑奔本堡迤西新鋪臺大路古大相領兵  
迎堵間本職亦統官兵馳至堡西前賊遙見隨  
即退遁本職督兵直追收後達賊過水不及斬  
首一顆得獲達馬四匹夷器等件賊於本日辰  
時從來路出境去訖及查在陣射死軍士一名  
趙要二射死官馬七匹殺死經行男子三名虜  
去牛驢八隻頭等因本年二月初九日據分巡  
兵備右布政使任天祚稟據坐營中軍金承武  
火牌報稱本年二月初六日據鎮武堡遊擊劉

崇正報稱本日卯時達賊約有一千餘騎一半  
從西平堡平山臺進入一半在墻外僉伏又據  
管正安堡車營遊擊事副總兵姚大節差夜不  
收張聰報稱本日戌時達賊六十餘騎從鎮寧  
堡張茂臺南空潛入深至盤山驛地名三里橋  
迤東虜掠婦女四口即從原路出境去訖當蒙  
巡撫顧都御史會同鎮守李總兵計料前賊節  
次入犯趁其出遁截其歸路以絕後謀當遣正  
遊二營前鋒選鋒副總參遊備守等官李平胡

李寧李興孫守廉查大受姚大節塗寬胡尚忠  
塗廣唐伯美督陣叅遊熊朝臣秦得貴史儒李  
應時蔣位守備備禦高良弼李繼武高貞統領  
中軍千把總李尚仁等精銳官軍二千五百員  
名於初七日寅時從鎮遠堡樣臺西空出境至  
本日未時馳至東遼河離墻九十餘里迎遇前  
犯達賊就與兵馬對敵李平胡李寧李興孫守  
廉查大受姚大節等申嚴號令督率官軍家丁  
各用槍棍弓矢齊力射斫前賊敗遁即欲窮追

柰因途遠馬疲恐墮賊計收兵于本日二更時  
分仍從本堡南界劉斌營南空進入及查在陣  
斬獲首級三十七顆內降夷單妹等認出斬賊  
首四顆首級三十三顆得獲達馬五十四匹并盔  
甲臂手夷器等件救回被虜婦女四口陣亡家  
丁一名李繼祖被傷官丁馮文用等一十九員  
名射死官馬一百九十一匹等因到職據此訪  
得東昌堡賊犯殺虜人畜不止前數除行該道  
查勘未報先將節次斬獲功級略節揭報兵部

軍門訖續據慶雲堡備禦吳嗣勳稟據市夷草  
困說稱大虜達子進搶廣寧地方有本處兵馬  
追趕出牆將黑字羅兒子託力是箇大頭兒騎  
著花馬殺了等因到職及節據回鄉市夷各供  
報相同又據海蓋兵備右叅政郝杰呈查得本  
年正月十四日東昌堡達賊突至新鋪大路離  
邊七里各屯殺死男婦黃欽等一十八名口燒  
燬瓦草房共五十五間內燒死男子李伯雲等  
二名虜去男婦李忙漢等八名口并在臺快槍

一杆及牛驢三十元隻頭比時守堡夏繼祖失  
於查的止報殺虜經行男子三名牛驢八隻頭  
稟報古大相開報宿振武轉報訖等因本年四  
月十四日又據分守道右叅政栗在庭呈據遼  
陽副總兵楊燮火牌差夜不收皮秋奴報稱楊  
燮因報達賊近邊隨會本道選差降夷家丁阿  
卜當李得功等四十三名於本月十一日酉時  
從平虜堡林靜大臺空出哨至長山等處離邊  
約有八十餘里得見達賊在彼牧馬各丁慮恐

賊衆聯絡未能深入營內剿殺乘黑止收趕達  
馬二百二十四匹小駒二十二匹共二百四十二  
匹於十二日寅時從靜遠堡大臺進境等因本  
月十九日又據分巡兵備右布政使任天祚呈  
准管義州叅將事遊擊黑雲龍手本開稱節報  
東夷把免兒營達子百十餘騎馱著盔甲掩伏  
溝內要在這月一二日犯搶清細河一帶地方  
當蒙撫鎮會差守備高良弼等帶領降夷肅漢  
卜向化等七十五名於本月十三日午時從大



平堡墓山營臺出境哨探至十五日辰時到地名古勒半巴林離墻二百五十餘里有在山擺撥架梁達賊三十餘騎遙見各鑽林跑走止斬獲首級一顆夷器等件趕獲達馬一百五十八匹被賊射死官馬九匹於十六日午時仍從原路進境等因各呈報到職案照本年三月以來節准軍門咨傳前項虜情備咨嚴督偵探加謹隄備相機戰守務保萬全等因又節據鎮靜守備鄭應時等各稟報俱經節次通行各道將領

嚴督備守等官萬分加謹哨探隄備收斂人畜  
分兵貼守單堡整兵相機截剿又會同總兵官  
李成梁看得節報虜情聲勢緊急議將正兵選  
鋒叅遊塗寬胡尚忠塗廣等分發西平西寧平  
洋等堡聯絡設防去後今據前因除將被殺被  
傷官軍給與優恤湯藥得獲達馬夷器俱給原  
獲之人充賞節次斬獲首級行令解赴巡按衙  
門紀驗地方有無別項失事仍行各該道查勘  
外等因會稿到臣案查節行事理相同該臣會

同巡撫遼東地方兼贊理軍務都察院右副都御史顧  
議照賞罰不明不足以昭勸懲功  
罪不辨不足以明賞罰明賞罰以昭勸懲者  
朝廷所以馭邊臣之大權辨功罪者則臣等所以  
奉

命而行法以為賞罰之地者也撫臣在薊時每報遼  
左邊事輒聞人言嘖嘖其稱得也則曰必張詡  
之以冒功而倖賞其稱失也則曰必彌縫之以  
蔽罪而逃罰及撫臣至遼跡其事人言良太過

而守邊將領習為彌縫則有牢不可破者撫臣  
乃盟諸

天日先自矢心不欺因與大帥為約務竭愚忠以報  
皇上且戒諸文武將吏各效其忠而勿欺蓋自  
肅皇帝時以及

皇上今日深鑒遼左無邊可恃而虜衆兵寡扞禦甚  
難故將士有微功輒錄而罪則多從未原是

皇上於遼

恩則浩蕩法則

寬假諸臣無容習於欺益明矣是以大帥益篤其忠  
誠而諸臣之同心效力不過各舉其職耳臣等  
不敢以為多而近有副總兵宿振武者以報東  
昌堡邊事不實已經臣等論革以為欺蔽者之  
戒矣不意復有鎮武堡遊擊劉崇正之為欺益  
甚也臣等又安能默然而已乎夫虜之入犯鎮  
武也以萬騎自辰至未餘四時縱橫內地數十  
餘里而崇正之初報不過射死軍丁十六人經  
行男子六人挖菜男婦十三人而已及撫臣他

有所聞而崇正覺之也乃更報被虜男婦三十  
八人而遂委罪於中軍指揮佟嘉慶守堡百戶  
王承勳守堡原無兵馬之責况王承勳又屬暫  
代之官而中軍則又聽令於本將者二人固不  
能無罪崇正安得引以自解乎及撫臣行分巡  
道委通判魯三近至該堡查之則稱殺虜男婦  
一百三十二人而撫臣密查殺虜花名則一百  
七十一人也近日逃回男婦已不下二十人問  
其姓名多未載之一百七十一人之内者則殺

虜不止一百七十一人又可知矣此其人皆在  
崇正所居一堡之內以歲饑老幼男女空城而  
出挑菜根而食者也叢爾邊堡一經殺掠哭聲  
滿城崇正還居其間獨無耳與目也而曰被虜  
男婦十三人將誰欺乎夫崇正親督工於老鴉  
莊無非為禦虜計也臣等不敢沒其勤率衆不  
過數百人倉卒而當五千之虜不至覆沒而能  
自保全臣等不敢沒其勇兵單虜衆無邊可守  
臣等不恨其不能制虜之入而獨恨其欺也此

而不創人將效尤若劉崇正者所當單任以為  
邊將之戒者也中軍指揮佟嘉慶代守堡百戶  
王承勳放人畜若以恤饑失哨探竟爾貽害所  
當究治仍以軍法重加細打以示懲者也若東  
昌堡之事則管海蓋叅將事副總兵宿振武已  
經叅論單任無容別議海州備禦古大相偵探  
不明查報欠確守堡百戶夏繼祖職司防守謀  
乏周全收斂委官百戶劉允忠陳堯勳分委有  
責收保無方俱屬有罪但失事未至重大均應



(B)  
083  
0079-1  
v.20-29  
[no.91  
0528447

**(B)**  
**083**  
**0079-1**  
**v.20-29**  
**[no.9]**